

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst ("Službene novine Zeničko-dobojskog kantona", broj: 7/10), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona na 42. sjednici, održanoj dana 09.02.2016. godine, d o n o s i

ZAKLJUČAK

I.

Prihvata se Mišljenje Ministarstva za poljoprivredu, šumarstvo i vodoprivredu, doneseno po Inicijativi poslanika Besima Avdića, koja se odnosi na donošenje Zakona o novčanim podrškama u poljoprivredi i ruralnom razvoju Zeničko-dobojskog kantona i čini sastavni dio ovog zaključka.

II.

Zaključak sa Mišljenjem Ministarstva za poljoprivredu, šumarstvo i vodoprivredu broj: 05-02-21900-1/15 od 01.02.2016. godine, upućuje se u daljnju skupštinsku proceduru.

III.

Zaključak stupa na snagu danom donošenja.

PREMIJER

Miralem Galijašević

Broj: 02-_____ /16.

Datum, 09.02.2016. godine

Zenica

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Stručna služba Skupštine,

1x a/a.

U vezi sa aktom Stručne službe Skupštine Kantona, broj: 01/02-02-21900/15., od 14.12.2015. godine, vezane za podnesenu Inicijativu poslanika Besima Avdića, a koja se odnosila na donošenje Zakona o novčanim podrškama u poljoprivredi i ruralnom razvoju Zeničko-dobojskog kantona, resorno ministarstvo daje sljedeće:

M I Š L J E N J E

Zakon o novčanim podrškama u poljoprivredi i ruralnom razvoju („Službene novine FBiH“, broj:42/10) propisuje mjere novčanih podrški u poljoprivredi i ruralnom razvoju, korisnike novčanih podrški, način realizacije, nadzor kao i druga pitanja u vezi sa novčanim podrškama.

Novčane podrške određene ovim zakonom provode se u skladu sa obavezama iz sporazuma o pristupanju u Svjetsku trgovinsku organizaciju-WTO i sporazuma o stabilizaciji i pridruživanju Europskoj uniji.

S obzirom da je u pripremi izmjena ili donošenje novog zakona, Ministarstvo je kontaktiralo predstavnike Federalnog ministarstva poljoprivrede, vodoprivrede i šumarstva. U kontaktu sa v.d. pomoćnikom ministra sektora za poljoprivredu i prehrambenu industriju Bešćom Alibegovićem, dobili smo informaciju da je ovo Ministarstvo pokrenulo proceduru izmjene, a moguće i donošenje novog Zakona o novčanoj podršci na nivou Federacije BiH. Ovim Zakonom o novčanoj podršci u poljoprivredi i ruralnom razvoju osigurava se harmonizacija mjera novčanih podrški. Federalno ministarstvo poljoprivrede, vodoprivrede i šumarstva i kantonalna ministarstva poljoprivrede, dužna su da osiguraju provođenje harmonizacije, tako što kantonalna ministarstva ne potiču proizvodnju iz modela poticaja definirana ovim Zakonom.

Ova procedura izmjene ili donošenja novog zakona planirana je u 2016. Nakon sprovedene javne rasprave i usvajanja izmjene ili novog zakona na nivou Federacije BiH, tek se može pristupiti inicijativi za donošenje kantonalnog Zakona o novčanim podrškama u poljoprivredi i ruralnom razvoju.

Stoga, a imajući u vidu naprijed navedeno činjenično stanje, mišljenja smo da se u ovom momentu ne može postupiti po navedenoj inicijativi već da je potrebno da se postupanje po istoj prolongira do daljnog nakon usvajanja izmjene ili donošenja novog zakona na nivou Federacije BiH, a nakon čega bi Ministarstvo dalo svoje mišljenje po istoj.

S poštovanjem,

Obradivač
Hajrudin Bečić

MINISTAR

Broj: 05-02-21900-1/15.
Zenica, 01.02.2016. godine,

Himzo Smajić

Dostavljeno:
1x Stručna služba Vlade
2x a/a-01/02.